

Samostalni istraživački rad – Historija države BiH¹

Samostalni istraživački rad iz predmeta Historija države BiH nosi 20 od ukupno 100 bodova na predmetu. Radi se o opcionom zadatku – studenti koji ne žele raditi rad, nisu ga dužni prijaviti.

Prijave se vrše putem maila: t.herenda@pfsa.unsa.ba. **Rok za prijavu seminarskog rada je 06.11.2025.**

Tehničke propozicije:

Samostalni istraživački rad iznosi ukupno 6 stranice, od čega maksimalno 1 stranica može biti izdvojena za uvod i zaključak, odnosno 5 stranica odnose se na meritorna razmatranja/razradu teme.

Font: Times New Roman, 12 pt.

Spacing/prored: 1,15

Margine: normal (2,54 cm)

Reference/navođenje izvora: u fusnotama, veličina fonta 10. Stil citiranja, Chicago Manual of Style (vidi više na: <https://www.citationmachine.net/chicago>)

Kandidati su obavezni citirati svako preuzimanje tuđih ideja, koncepata ili podataka. Nisu dužni navoditi reference/citirati ukoliko se radi o podacima koji spadaju pod opće znanje ili dobro ustanovljene teorije i koncepte. Ukoliko prilikom pregledanja rada ili usmene odbrane bude ustanovljeno da je rad plagiran,² kandidat_kinja ostvaruje 0 bodova.

Svako preuzimanje tuđih ideja, informacija i koncepata, te bilo kakvo drugo prisvajanje tuđeg rada i predstavljanje kao svog bit će tretirano kao plagijat, te valorizovano sa 0 bodova.

Korištenje izvora mora biti naznačeno u fusnoti.

Uzimanje tuđeg teksta verbatim („od riječi do riječi“) je dozvoljeno samo ukoliko je zaista neophodno koristiti identične fraze koje koristi izvor. Udio ovako citiranog teksta ne može prelaziti više od ukupno 10% rada. Prilikom ovakvog citiranja, obavezno je koristiti navodnike kako bi se naznačilo da je tekst preuzet u identičnoj formi. Preuzimanje teksta verbatim, bez korištenja navodnika, bit će tretirano kao plagijat. U pravilu, korištenje izvora podrazumijeva da studenti koriste izvore kako bi samostalno formirali vlastiti tekst, pa je u tom smislu preuzimanje tuđeg teksta uz manje izmjene (zamjena reda riječi u rečenici, korištenje sinonima, parafraziranje rečenicu po rečenicu) nepoželjno i negativno će se odraziti na bodove.

Prilikom korištenja izvora vodite računa o tome da Vaši izvori trebaju biti autoritativni, tj. osoba/osobe koje stoje iza određenog izvora trebaju biti prepoznati autoriteti u datoj oblasti. Anonimizirani izvori (kao npr. Wikipedia) nisu relevantni za ovaj rad. Potrebno je navesti minimalno 5 izvora. U izvore se neće ubrajati fakultetski udžbenici.

Kriteriji za bodovanje:

Jezik i stil, kvaliteta argumenata, kvalitet izvora: 0-10 boda

¹ Rad mogu prijaviti vanredni studenti bez obzira na godinu upisa, kao i redovni studenti koji su predmet slušali u akademskoj 24/25 i ranije.

² Plagijarizam predstavlja korištenje tuđih riječi, ideja ili djela bez odgovarajuće pripisivanja/referiranja, pri čemu se te tuđe sadržaje predstavlja kao vlastite. To uključuje kopiranje i lijepljenje teksta iz izvora bez izmjena, parafraziranje bez citiranja, te bilo kakvo drugo predstavljanje tuđeg rada kao vlastitog.

Tehničke propozicije: 0-2 boda. Eventualna značajnija kršenja tehničkih propozicija mogu biti sankcionisana oduzimanjem bodova iz drugih rubrika.

Odbrana rada/razgovor o radu: 0-8 boda. Ukoliko se tokom odbrane ustanovi da kandidat_kinja ne vlada temom, to može rezultirati oduzimanjem bodova iz drugih rubrika. Prilikom rada očekuje se da kandidat_kinja vlada svim navodima iz svog rada (odbrani pristupate bez štampanog primjerka), kao i informacijama o tom periodu koje se mogu smatrati za opće znanje o tom periodu.

Tema samostalnog istraživačkog rada za akademsku 2025/2026. godinu je “Ustav SFRJ iz 1974: poštovanje različitosti ili osnov za raspad?”. Studenti prve godine trebaju, prije svega, analizirati ključne odredbe Ustava iz 1974. koje su dovele do drastične decentralizacije vlasti, dajući republikama i pokrajinama gotovo konfederalni status. Zatim je potrebno istražiti argumente koji tvrde da je takvo uređenje bilo nužno za "poštovanje različitosti" i rješavanje nacionalnog pitanja u složenoj višenacionalnoj državi. Kao centralni dio rada, studenti moraju kritički obraditi suprotnu tezu: da li je upravo to slabljenje federalnih institucija i stvaranje osam (šest republika i dvije pokrajine) gotovo samostalnih političkih centara moći predstavljalo pravni i institucionalni "osnov za raspad" nakon smrti Josipa Broza Tita. Rad bi trebao ponuditi zaključak o tome da li je Ustav bio pokušaj spašavanja federacije ili nenamjerni (ili namjerni) korak ka njenoj disoluciji.

Pored redovnih konsultacija generalne prirode na koje kandidati_kinje imaju pravo, kandidati_kinje imaju pravo poslati **do 2 stranice teksta na uvid i pregled, do 30.11.2025.**, popraćenu sa manjim brojem konkretnih upita/molbi za razjašnjenjem.

U izradi rada kandidati_kinje samostalno pronalaze literaturu.

Krajnji rok za dostavu završenog samostalnog istraživačkog rada je 16.12.2025, u 00:00 (do kraja dana). Rad dostavljate ISKLJUČIVO kao word file (doc ili docx).